

漢文佛典雜阿含經補充資料（一）

陰相應補充資料

《瑜伽師地論》卷 18：

諸行無常 有生滅法 由生滅故 彼寂為樂

今此頌中。蘊及取蘊皆名諸行。此中義者意在取蘊。是五取蘊略有三種。謂去來今。諸行無常者。謂彼諸行本無而生，生已尋滅。若過去生。過去所得諸自體中所有諸蘊。皆過去故。已謝滅故。生已沒故。體是無常。若未來生。未來所得諸自體中所有諸蘊。皆未生故。非已起故，未滅沒故。可生起故。是有生法。若現在生。現在所得諸自體中所有暫住支持存活。有情諸蘊皆死法故，可為殞滅之所滅故。是有滅法。.....

(CBETA, T30, no. 1579, p. 378, c20-p. 379, a10)

《中論》卷 2 〈13 觀行品〉：

問曰：云何知一切諸行皆是空？

答曰：一切諸行虛妄相故空，諸行生滅不住，無自性故空。諸行名五陰，從行生故，五陰名行，是五陰皆虛妄無有定相。何以故？如嬰兒時色非匍匐時色，匍匐時色非行時色，行時色非童子時色，童子時色非壯年時色，壯年時色非老年時色。如色念念不住故，分別決定性不可得。

(CBETA, T30, no. 1564, p. 17, b6-14)

《阿毘達磨集異門足論》卷 6 〈5 四法品〉：

云何苦聖諦？答：五取蘊。謂色取蘊，受取蘊，想取蘊，行取蘊，識取蘊，是名苦聖諦。

(CBETA, T26, no. 1536, p. 392, a17-19)

《阿毘達磨法蘊足論》卷 6 〈10 聖諦品〉：

云何苦聖諦？謂生苦、老苦、病苦、死苦、怨憎會苦、愛別離苦、求不得苦，略說一切五取蘊苦。

云何生苦？生謂彼彼諸有情類。即於彼彼有情聚中。諸生、等生、趣入、出現，蘊得、界得、處得，諸蘊生命根起。總名為生。

何因緣故，說生為苦？有情生時，領納攝受種種身苦事故。領納攝受種種心苦事故。領納攝受種種身心苦事故。領納攝受種種身熱惱事故。領納攝受種種心熱惱事故。領納攝受種種身心熱惱事故。領納攝受種種身燒然事故。領納攝受種種心燒然事故。領納攝受種種身心燒然事故。說生為苦。復次，生時受二種苦。一者苦苦。二者行苦。故名生苦。

云何老苦？老謂老時。髮落髮白。皮緩面皺。身曲背偻。喘息逾急。扶杖而行。支體斑黑。衰退暗鈍。根熟變壞。諸行故敗。朽壞羸損。總名為老。.....復次老

時。受三種苦。一者苦苦。二者行苦。三者壞苦。故名老苦。

云何病苦？病謂頭痛。眼痛耳痛。鼻痛舌痛。面痛脣痛。齒痛齶痛。喉痛心痛。風病嗽病。氣病噫病。癩病痔病。痢病痲病。寒病熱病。瘡病癩病。歐（嘔）逆瘡腫。癬疥脆癭。[病-丙+帶]下漏泄。痲痺枯癢。及餘種種依身心起。身心疹疾。總名為病。何因緣故。說病為苦。有情病時。領納攝受種種身苦事故廣說乃至領納攝受種種身心燒然事故。說病為苦。.....

(CBETA, T26, no. 1537, p. 480, a16-b14)

《坐禪三昧經》卷 2：

從因緣生故無常。無常故苦。苦故不自在。不自在故無主。無主故空。

(CBETA, T15, no. 614, p. 279, a14-16)

《瑜伽師地論》卷 27：

非離蘊外有我得、有常恒住、無變易法是可得者。亦無少法是我所有。故除此外更無所得，無所分別。

(CBETA, T30, no. 1579, p. 434, a1-3)

《瑜伽師地論》卷 53：

復次蘊義云何？為顯何義建立諸蘊？

謂所有色，若去、來、今，乃至遠近。如色乃至識亦爾。如是總略攝一切蘊。積聚義是蘊義。.....當知為顯無我性義建立諸蘊。

(CBETA, T30, no. 1579, p. 593, c18-22)

《瑜伽師地論》卷 88：

云何名為有我論者？謂如有一。起如是見。立如是論。於色等行建立為我。謂我有行。行是我所。我在行中不流不散。遍隨支節無所不至。是故色等諸行性我。依諸行田，生福非福。因茲領受愛不愛果。譬如農夫依止良田，營事農業及與種植藥草叢林。是名我論。

(CBETA, T30, no. 1579, p. 800, a29-b20)

【行】

<一>梵語 saṃskāra，巴利語 saṅkhāra。音譯刪迦羅、僧娑迦羅。原為造作之意，後轉為遷流變化之意。

(一)造作之義。義同於「業」。十二緣起中第二支「行」即屬此類。指能招感現世果報之過去世三業（身業、口業、意業）。亦即人的一切身心活動。

(二)遷流變化，即「有為」之義。蓋有為乃由因緣所造，故係指無常之一切法。諸行無常中之「行」即屬此類。五蘊中之「行蘊」亦即此義。.....

FROM: 【佛光大辭典(慈怡 主編)】